

4. maj 2014

UPA 2014/57
Karl-Kristian Kruse

**Arnat angutillu ajornartorsiornerminni qimarngusariaqalernerminnilu naligiinneru-
sumik sullinneqarsinnaanissaat siunertaralugu Nunatsinni qimarnguiit atornerqar-
nerat pillugu aammalu tassunga tunngatillugu qimarnguiit pisariaqartinneqarnerat
aammalu kommunit allallu qimarnguinnik ingerlatsiumasut nutaamik qimarnguili-
ortoqarnissaanut imaluunniit pioreersut iluarsartuunneqarnissaannut periarfissa-
qartinneqarnissaannik misissuisoqarnissaa siunertaralugu qimarnguiit pillugit
Naalackersuisut misissuineramik ingerlatsinissaannik Inatsisartut aalajangiiffi-
sassaattut siunnersuut**

(Inatsisartuni ilaasortat Knud Kristiansen aamma Gerhardt Petersen, Atassut)

Siunnersuuteqartut siunnersuuteqarnerannut Siumup oqaaseqaataa imaattoq saqqumi-
utissuara, siullermik siunnersuuteqartut inuiaqatigiinni killiffippat imaannaangittortaartoq
pillugu saqqummiussaqaarnerannut Siumumiik quttavigaavut.

Siumumiillu Naalackersuisut siunnersuummut oqaaseqaataat tusaatissatut tigugatsigu
matumuuna nalunaarutigissuarput.

Siumup pingaartilluinnarpaa inuiaqatigiit pingaartumillu inoqutigiit angerlarsimaffimmini
toqqissisimasut pilersissallugit.

Siumullu nunatsinni persuttaasernerup ullumikkornit annertuumik annikillisarneqarnissaa
suliassaasoq annertoq ilisimavaa, suliassarlu partiilersorfiunngittoq aqutissatut tikku-
agassani siullertut oqaatigisariaqarparput, inuiaqatigiinni qinikkat Naalackersuisut Inatsi-
sartut kommunit atorfillit minnerunngittumillu innuttaasut tamarmik, pinaveersaartitsi-
nermillu suliallit suliniaqatigiiffiillu ataatsimoorluta persuttaasernerup annikillisarneqar-
nissaa annikillisinnaalu ataatsimoorluinnarluta suliassaraarput sularissallugulu.

Siumumiillu siunnersuuteqartut qimarnguimmik nutaamik sanasoqarsinnaaneramik misis-
sueqqusinerat ilalinnginnatsigu oqaatigissuarput, pissutigalugu qimarnguinnik amerlisaa-
neq persuttaanermut akuersaerneruvoq, annikillisaanissamat siunnerfeqarnermik ersalu-
lersitsisoq, Siumumit upperaarput qulaani oqarnittuut inuiaqatigiit tamarmiulluta sumi inis-
sisimaneq apeqqutaatinnagu suleqatigeeqqissaarnitsigut persuttaasarneq annikinneruler-
sinneqarnissaanik suleqatigiissinnaassuseqartugut angusaqarsinnaasugullu.

Naalakkersuisullu akissutaani qimarngueqarnermut tunngassuteqartut suliat ingerlasut aallaavigalugit Naalakkersuisut qaavatigut suliakkeqqinngikkaluarlugit, siunniunneqartut Siumumit iluarisimaarpavut.

Suliarineqartullu Naalakkersuisuniik saqqummiunneqartut pillugit Siumumiik kissaati-gissuarput ataasimiititaliaq susassaartoq pinaveersaartitsinermillu suliniaqatigiiffiit suli-allillu qanimut suleqatigineqassasut kaammattuutigaarput.

Naggataatigut oqaatigeqqissuara ataatsimooqqissaarluta persuttaasarneq timikkut, persuttaasarneq tarnikkut, ullumikkorninngaanniik annikillisarneqartariaartoq tamatta suleqatigiiffigalugulu suleqataaffigisariaqaratsigu, siunnerfeqarluta immitsinnullu aguniagalerluta, ukiut qulit igerlaneranni persuttaasarneq aallaavigalugu qimargusartut affaannangus-sasut, siunissamilu kinguaariit tulliini annerusumik atugaajunnaassasoq.

Siumumit pingaartilluinnarparput meeqqat inuusuttullu qaammarsarneqarnerunissaat persuttaasarneq inuiaqatigiit tamatta akuersaanngilluinnaripput atorneqaqqusaanngittorlu, aqutissaasorlu pitsaanerpaajusoq OQALOQATIGIINNEQ taakkuummata ullumikkut killiffigisimasatsinniik oqinnerusumik ingerlavissaqarlutik nunatsinni najugaqarnissaanik aqutissiuussassavut.

Taamatut oqaaseqarluta Siumumit siunnersuuteqartunut qujavugut.